



## March 2025 nungi Dimapur railway station yanglushitsü

Dimapur, January 29, 2025 (TYO): Dimapur railway station ya world-class facility jenjang nung ajungkettsü sentong lir saka ali dak sendakba ken o tem ajanga iba mapa metenzükteri aruba sulen March 2025 tetenzüklen nungi mapa tenzüktsü.

"Nübortem dang railway ali nung ozüng alema kiojen meyanglutsü kechiyong iba ajanga terenlok mapatong nung tetsükdaktsü ajurutsü. Nisung ajaki state sorkar aser Railways den yariteptsü mepishir kechiyong nübor teyari medeni terenlok mapa kecha inyaktsü makok" ta pai ashi.

Dimapur adena Lumding nungi Ferkating tashi double railway track indang mapa lemziktüogo. Northeast Frontier Railway-i iba mapa den Dimapur railway station renlokba mapa külemi inyaktsü, ta Chief Engineer (Construction)-isa metedaktsü.

Nagaland nung Dimapur railway station ya Amrit Bharat Station Scheme kubok shimteta lir. Iba scheme ya world-class station ka akümtsü atema lir aser Centre sorkari Rs 283 crore lemziükjaka ali dak sendakba ken o tem ajanga mapa metenzükteri arub.

## KMC nung government nominees-i tezungzüktep agi

Dimapur, January 29, 2025 (TYO): Kohima Municipal Council (KMC) nung government nominee züngsemtemi Kohima nung Deputy Commissioner office nung tezungzüktep agiogo.

Nagaland Municipal Act, 2023 nung Section 60A (1) kubok government nominees-i Oath of Affirmation agia liasü.

Kohima Deputy Commissioner, Kumar Ramnikant, IAS-i züngsem tasentem pelashishia agizükteri parnok ajanga KMC nung mapa tulu inyaktsü teimla aliba metedaktsü.

"Nenoki shilem agiba ajanga Council-i mapa inyaka otettsü aser temabajenjangi atutusü imlar. Asenok Kezhazer Angami nunger lir.

## Mizoram nung State Day Prayer amongtsü

Aizawl, January 29, 2025 (Agencies): Mizoram nung State Day of Prayer Committee-i January 29 nü taküm State Day of Prayer atema osangbener senden ka ayonga amen.

Aizawl Press Club nung senden amendang General Secretary Dr. P.C. Biaksiana menden liasü aser MPF Secretary Rev Lalramliana Pachau-i sarasadem.

Committee-i 2024 nung State Day of Prayer among aser 2025 nung Chief Minister-i anir Assam Rifles Ground, Aizawl nung sarasadem sentong tulu ka agitsü. Iba sentongya February 20 Mizoram State Day nung amongtsü.

District Level Committee tem lenisuba kubok district aser yimtsüng ajak nung sarasadem sentongtem ayonga agitsü aser District Deputy Commissioner tem menden asütsü.

Taküm State Day of Prayer atema Chief Minister Lalduhoma, aser Frederick Lirlindika na tongti o jembirtem asütsü shimogo. Külen, arago balala nungi züngsem 1500-i choir amentsü aser senotsü endokbaji Mizoram nungeri tenla agütsüba nungi amshitsü ta committee-isa ashi.

State Day of Prayer nung Mizoram Church Leaders Committee (MKHC), Council of Churches in Mizoram (CCM), Political Parties, Ministers, MLAs aser sorkar mapa inyaker ajak adentsü jaokogo.

## Ao oshi tesayurtem Ao Oshi Angazükshiyim sentong aka



Mokokchung nung Ao oshi tesayurtem Ao Oshi Angazükshiyim Sentong akadang (aben nungi) Ao Senden Tir Wb. Marsanen Imsong, Prof. Pangersenla aser Wb. I. Temjen Tzüdir parnoki jembidang tangokba noksa nung angur.

**Mokokchung, Aenjeti/January 29 (TYO):** School-tem nung tesayurtem aika Ao subject teacher aikabo malitsü, saka nai Ao oshi meteta aliba agi na Ao oshi sayutsüsa akümer, nai ne tata tesayuba dak alia ano Ao oshi asoshi khuret talila benloka Ao oshi sayuba asoshi Ao Senden tepelaba lemsateper ta tanü Ao Senden Conference Hall nung Mokokchung District nung aliba Govt. aser Private School nung Ao Tesayurtem Ao Oshi Angazükshiyim Sentong nung Ao Senden Tir Wb. Marsanen Imsong-i "Ao Oshi Sungkhüm" ta asüba nung ajemdaker jembidang ashi.

Oboula nungeri asen oshi tebang agi dang jembia aru, parnoki zülu metoktsü, saka Tsüngrem taochi agi 1878 küm asen limai mezüng shisaliok (first formal education) arua asenok nüchi kuma tashi temetet renloka lia arur. Anungji iba tashi temetetji bener asen Aori Ao oshi jembia anüdoklen alir asen adianu Naga nungerem den Tsüngrem osang tajung agüja parnok nüchi dangi anitet, 1980's tashi nung parnoki Ao oshi shia meteta liasü aser iba mapangjibo asen Ao oshi ya Nagaland nung 2nd language kuma aotsü mapang ka aru saka tanübo asen Ao oshi iba kechi jenjang nung lir ta Ao Senden Tir-isa adenshia alirtem ayongzüka jembia.

Ao Senden-i Mokokchung district nung aliba Government school aser Private school ajak nung Ao oshi sayutsüla-ta Yimyim agütsügo, anungji iba yimyim tashi anga-a school ajak nung Ao sayutsüla aser Ao

## Assam nung ak metsürtemi Thailand telok marudaktsünür

**Guwahati, January 29, 2025 (Agencies):** Assam state sorkari Thailand nung amenoka aliba Charoen Pokphand (CP) Group nem pig farming units amenoktsü temelaba agütsüba ajanga Assam nung ak metsür lakh 20 tema asoshi tebilemtsü ka bentsür aruogo.

Sorkari iba temelaba agütsüba ya ak metsürtemi magizüker aser iba multinational company ajanga parnok rongsenketzung nung takoksa ajurutsü ta ashir.

"CP Group-i Assam piggery aser poultry sector nung mapa inyaktsü tenzükba atema tebilemtsü abener kechiyong iba company ya Thailand nung tulutiba lir" ta All Assam Pig Farmers Association (AAPFA) joint secretary Bharat Handique-i ashi.

January 23, 2025 nü CP Group Chairman Adirek Sripratak aser Assam Chief Minister Himanta Biswa Sarma na video conference ajanga senden amendang akshi ajungkettsü indang jembia liasü. Iba senden nung Assam Revenue Minister Keshab Mahanta aden.

CP Group indang annual revenue ji \$65 billion lir aser animal feed production, livestock farming, food processing, o healthcare dena wadang aika nung inyaker.

February 25-26 anogotem Guwahati nung Advantage Assam 2.0 sentong nunga CP Group shilem agütsü jaoka lir.

Assam nung ak metsürtemi CP Group iba sentong nung adenba atemabo kecha mashir saka state sorkari CP Group nem

tesayurtem ajak Ao Oshi Angazükshiyim sentong nung denerang sayutsülatu Ao Senden Tir-isa tanu adenshia aliba tesayurtem den lemsatepa den marur tesayurtem dena iba yimyim nenshia metedakja liasü.

Tanü iba sentong nung Prof. Pangersenla, NU, Merima, Kohima-i "Oshi Ka Sama-a Aodang Wazuka Ayutsü Lenpi" onük jembia, Wb. I. Temjen Tzüdir Ao Riju-i "Ao Oshi Nung Tesayurtem Wadangtep" ta asüba onük jembia liasü.

Watsü Mungdang Tir, Wt. Arenla Lkr-i sentong nung Tsüngrem lenisuba jazüka sarasaderem sentong tenzük aser Mokokchung Area Education Officer Wb. L. Alemtensü Ao ajanga Mokokchung district nung aliba school-tem nung Ao oshi sayutetsüsa Ao Senden aser Ao Riju-i inyakba asoshi tepelaba o jembia, Ao Riju Mendenbuba Prof. Rongsen Lkr ajanga iba sentong akaba rajem o jembia, onük jembiba nung ajemdaker telok shisalemsatepa mapang agi aser tanü iba sentong nung adenba kuli kaket agütsü aser Wt. Yongthangnaro ketcangsüba nung sentong agia liasü.

state nung large-scale pig farms temelaba agüja Memorandum of Understanding (MoU) ka nung sign asütsü tsübüa bilemer.

"Iba ama mapa inyakra state nung ak metsürtem atema lendong asütsü. Assam nung ak metsür nisung lakh 10 tema sorkar teyari melii pei sasa inyaka liyonga arur. CP Group-i iba wadang nung ajemokra jenjang dalangba agi ak agütsütsü aser onok senotsü tsütsü timtem ajurutsü" ta Handique-isa ashi.

Akshi ya Assam aser Northeast nung nisungtemi kanga sapua achiba chiyungtsü ka lir. India nung ak 38.42% tashi Northeast nung metsür aser Assam kija nung ak 1.63 million metsür aser iba ya linük nung ak 15.89% tashi lir.

## DEPARTMENT OF POWER, GOVERNMENT OF NAGALAND, KOHIMA

PRESS NOTE

## PUBLIC NOTICE IN RESPECT OF

PETITION FOR APPROVAL OF ARR FOR 5-YEAR MYT 3RD CONTROL PERIOD FROM FY 2025-26 TO FY 2029-30 & TARIFF PROPOSAL FOR THE FY 2025-26.

FILED BY

DEPARTMENT OF POWER, GOVT. OF NAGALAND BEFORE  
NAGALAND ELECTRICITY REGULATORY COMMISSION (NERC)

1. Notice is hereby given to all consumers and stakeholders that the Department of Power, Govt. of Nagaland, a Deemed Licensee, has filed the Petition for approval of ARR for 5-Year MYT 3rd Control Period from FY 2025-26 to FY 2029-30 & Tariff Proposal for the FY 2025-26 before the Nagaland Electricity Regulatory Commission (NERC), on 17-12-2024 under section 61, 62 & 64 of the Electricity Act 2003.

The petition has been admitted by the Hon'ble Commission on 15-01-2025 and numbered as Petition No. 03/2024-25. The same is as summarized hereunder:

**Objections/Comments are invited from various stakeholders on Petition for Approval of ARR for 5-Year MYT 3rd Control Period from FY 2025-26 to FY 2029-30 & Tariff Proposal for the FY 2025-26 by Department of Power, Govt. of Nagaland.**

Highlights of the ARR for 5-Year MYT 3rd Control Period from FY 2025-26 to FY 2029-30 & Tariff Proposal for the FY 2025-26 submitted by Department of Power, Govt. of Nagaland.

(Rs. In Cr.)

Sr. No.	Particulars	FY25-26 (Proj.)	FY26-27 (Proj.)	FY27-28 (Proj.)	FY28-29 (Proj.)	FY29-30 (Proj.)
<b>I</b>	<b>Annual Revenue Requirement</b>					
i	Cost of power purchase	496.47	532.29	570.69	611.86	656.00
ii	Transmission Charges	84.68	85.12	91.26	97.85	104.91
iii	Cost of Generation	16.45	16.96	16.96	17.47	17.47
iv	Employee Expenses	187.97	198.72	210.09	222.10	234.81
v	Repair & Maintenance Expenses	16.85	17.81	18.83	19.91	21.05
vi	Administration and General Expenses		4.55	4.81	5.09	5.38
vii	Operational Expenses – Smart Prepaid Metering	27.01	44.89	44.89	44.89	44.89
viii	Interest and finance charges	0.00	0.00	0.00	0.00	0.00
ix	Depreciation	110.50	113.44	116.38	116.38	116.38
x	Interest on working capital	0.00	0.00	0.00	0.00	0.00
xi	Return on Equity	0.00	0.00	0.00	0.00	0.00
<b>xii</b>	<b>Total Revenue Requirement</b>	<b>944.24</b>	<b>1013.79</b>	<b>1073.91</b>	<b>1135.54</b>	<b>1200.87</b>
xiii	Less: Non-Tariff Income	5.71	5.99	6.29	6.61	6.94
<b>xiv</b>	<b>Net Revenue Requirement (xii-xiii)</b>	<b>938.54</b>	<b>1007.79</b>	<b>1067.62</b>	<b>1128.94</b>	<b>1193.94</b>

2	Annual Tariff Proposal (Post-paid)	Energy Charge (Rs./kwh)
<b>I</b>	<b>CATEGORY 'A' DOMESTIC</b>	
(a)	0 to 30 kwh	5.90
(b)	31 to 100 kwh	6.40
(c)	101 to 250 kwh	7.15
(d)	> 250 kwh	7.80
<b>II</b>	<b>CATEGORY 'B' INDUSTRIAL</b>	
(a)	< 500 kwh	7.15
(b)	501 to 5000 kwh	7.75
(c)	> 5000 kwh	8.25
<b>III</b>	<b>CATEGORY 'C' BULK</b>	7.60
<b>IV</b>	<b>CATEGORY 'D' COMMERCIAL</b>	
(a)	< 60 kwh	8.15
(b)	61 to 240 kwh	9.45
(c)	> 240 kwh	9.85
<b>V</b>	<b>CATEGORY 'E' P.W.W.</b>	8.20
<b>VI</b>	<b>CATEGORY 'F' Public Light</b>	To be recovered from consumers *
<b>VII</b>	<b>CATEGORY 'G' INTERSTATE</b>	6.90
<b>VIII</b>	<b>CATEGORY 'H' AGRICULTURE</b>	3.65
<b>IX</b>	<b>CATEGORY 'I' TEMPORARY CONNECTION</b>	DLF Rs.11.50 Others Rs. 14.70
<b>X</b>	<b>Kutir Jyoti (point)</b>	Same as DLF
<b>XI</b>	<b>SINGLE POINT METERED RURAL</b>	5.90
<b>XII</b>	<b>SINGLE POINT METERED URBAN</b>	6.10

	Charges for public lighting have to be recovered from the Consumers of Domestic, Commercial, Industrial and Bulk categories at the rates shown below:
Domestic	Rs. 10 per connection / month
Commercial	Rs. 15 per connection / month
Industrial	Rs. 20 per connection / month
Bulk Supply	Rs. 25 per connection / month
<b>3</b>	<b>Annual Tariff Proposal (Prepaid)</b>
<b>I</b>	<b>CATEGORY 'A' DOMESTIC</b>
All Units	6.05
<b>II</b>	<b>CATEGORY 'B' INDUSTRIAL</b>
All Units	7.10
<b>III</b>	<b>CATEGORY 'C' BULK</b>
All Units	7.35
<b>IV</b>	<b>CATEGORY 'D' COMMERCIAL</b>
All Units	9.05
<b>V</b>	<b>CATEGORY 'H' AGRICULTURE</b>
All Units	3.45

The Component of ARR & other parameters, proposed by Department of Power, Govt. of Nagaland may be increased, decreased or amended by NERC, even if not proposed by the licensee, to meet the requirements of Tariff Policy, Electricity Act and any decision by Hon'ble APTEL or Supreme Court on any Electricity related subject.

The Electricity consumers and other stakeholders are invited to give written suggestions/objections/ comments. Written suggestions/objections/ comments for Approval of ARR for 5-Year MYT 3rd Control Period from FY 2025-26 to FY 2029-30 & Tariff Petition for the FY 2025-26 or any other aspect of the Petition limited to the specified subjects as above should be sent to "Deputy Director, NERC, Near En-C Office, Department of Power, A.G Colony, Kohima and a copy to the Chief Engineer (D & R), Department of Power, Govt. of Nagaland, Kohima-797001.

Copies of filings and application referred at above are available in the office of the Chief Engineer (D & R), Department of Power, Govt. of Nagaland, Kohima-797001. Interested parties may inspect / peruse the said MYT Petition and take note thereof during office hours at the office. Copies of the above documents can also be obtained from the above office on payment of Rs.200/- per copy of Petition in cash or through DD.

Suggestions in this regard may also be sent to nerc\_kohima@yahoo.com and cepowerl@gmail.com before 10.02.2025.

Superintending Engineer (Rev),  
Department of Power  
Nagaland: Kohima

**Directorate of Economics & Statistics ajanga training ayongzük**

Directorate of Economics and Statistics, Nagaland ajanga January 29, 2025 nü Directorate Conference Hall, Kohima nung 'Survey of employment, unemployment, skill and migration in Nagaland' indang training ka ayongzüka agidang tangokba noksa ka nung Neidilhou Keditsu, Director, Economics and Statistics den ketcangsür aser training nung shilem agirtem angur.

**Dimapur, Aenjeti/January 29** ashi aser Department (TYO): Directorate of Economics and Statistics, Nagaland ajanga January 29, 2025 nü Directorate Conference Hall, Kohima nung 'Survey of employment, unemployment, skill and migration in Nagaland' indang training ka ayongzüka liasü. Technical sessions mapang Vikosieto Krose, Deputy Director ajanga iba survey dak sendakba tetetzü aser nükjidong rateta ashi aser Dr. Tumbenthung Y Humtsoe, Economics and Statistics Officer ajanga survey methodology lemsatepa liasü.

Training nung Simon Kiutan, Economics and Statistics Officer menden liasü aser Neisatuo Puro, Additional Director ajanga melepzung o jembi, kong Districts Economics and Statistics Offices (DESOs) ajunga nungi ketcangsürtem dena liasü.

**February 1, 2025 nungi SMILE App amshitsü**  
**Dimapur, Aenjeti/January 29** Education Project – The Lighthouse (NECTAR) kübok amshir. Iba app nung attendance, leave application metettsü asoshi facial recognition, timestamping, aser geofencing ama advanced technology amshia liasü.


Iba inyakyim yagi administrative yimyatem tajungba kumdkatsütsü, data nung ajemdaker telemtetba agiba tem tajungba akumtsü aser education system nung ochishia inyakba yimya sübatsü nükjidong liasü.

Iba dak sendakba nung tesayur aser staff ajunga dang pei school aser establishments nung aliba SMILE App kiosk amshia tenüng agütsütsü metedaktsüögo. Iba maparen tiptema inyaktsü asoshi DoSE, Kohima nung aliba Data/HR Cell ajanga attendance data reprangtsü aser contingent issues ketcangsür asütsü. System aser school management tajungba kumdkatsütsü nükjidong nung 6909644519 ajanga tongteprateptsü akok, ta sangdong ajanga ashi.

**Niuland nung Road Safety indang awareness agütsü**  
**Dimapur, Aenjeti/January 29** ajungshia liasü. Iba anogo session ana sadanger Department balalai Good Samaritan, Hit and Run cases, enforcement of traffic laws and rules under Motor Vehicle Act, Registration of vehicles, road safety and training on first aid treatment, CPR, lendong atalokba mapang inyaktsü aser meinyaktsü indang onüktem nung presentation agüja liasü.

Iba sentong nung Deputy Commissioner, Niuland, Sara S. Jamir ajanga tayongzükba o jembidang gari lendong majurutsü mech mera balala agitsü nüngdakba indang lemsatepa aser nisung ajak dang traffic ozüng sülen anidaktsü. Iba sentong agiba sülen CMO Niuland lenisüba nung angati tenük repranga District Road Safety Committee ajanga driver 50 nem First Aid Kits angati agüja liasü.

## Delhi assembly election atema Congress-i party manifesto saya



January 29, 2025 nü New Delhi nung Congress lenirtem- Jairam Ramesh, Pawan Khera, Udit Raj aser Delhi Congress Tir Devender Yadav nungeri Delhi Assembly election atema party manifesto sayadang tangokba noksa nung angur.

**New Delhi, Aenjeti/January 29 (Agencies):** Taruaba hopta Delhi nung assembly election agütsü lia Bodhbarnü Congress-i party manifesto sayaogo.

Congress manifesto nung, Delhi election nung parnoki takok ngura caste census agütsü aser Purvanchalis nunger atema ministry tasen tenzüktsü, ta metedaktsü.

Congress-isa kibong shia nem ita shia electricity unit 300 tashi angati tsükdaktsü aser ita shia tetsür nem sen 2,500 agütsü nangzük.

Delhi nung alir ajak nem health coverage sen lakh 25 tashi agütsü, mapa mangur

lanurtem nem küm ka training agütsüba den sen 8,500 agütsü, gas cylinder sen 500 agi agütsü aser angati ration kit agütsü, ta parnoki nangzük.

Bodhbarnü Delhi Congress Tir, Devender Yadav aser Congress communications incharge Jairam Ramesh nati manifesto sayaja liasü.

Congress Manifesto nung Purvanchal atema temeja ministry tenzüktsü, Delhi nung caste census agütsü, sorkar mapa shilem 33 tetsür nem agütsü, contract mapa anentsü, pension sen 2,500 agüja aliba nungi 5,000 kümütsü aser amitsür jalatem

kibong akümdang sen lakh 1.1 teyari agütsü nangzük lir.

Delhi tesem ajaklen Indira canteen 100 lapoktsü aser item canteen nung sen 5 agi chiyungtsü angutsü, lenmang nung shishilembar lakh 7.5 nem maongka tajung agütsü, ward shia nung 24 hour dispensary, multispecialty hospital 10 lapoktsü, kaketshirtem atema kaketnang 700 lapoktsü aser tzü tajung methitemi agütsü parnoki nangzük.

Melungtet teloktem atema Bhaagidari Yojna tenzükshitsü aser unauthorised colonies nung alirtem nem ali temeden agütsü, ta party-i nangzük.

Hombarnü AAP-i Haryana nung BJP sorkar aija, Haryana-i metetsümona industry nungi tzü tamajung Yamuna nung yimokdaktsür, ayong nung miim inoktsüba ajanga parnoki nisungtem tepsettsü meranger, ta aija liasü.

Kejriwal-i X ajanga, "Haryana nung BJP-i tzü nung miim inoktsür Delhi dangi yoker. Delhi nung alirtem iba tzü jemra aika süadoktsü akok. Iba dang tamajungba ali asü? Tzü nung meyoktetptsüba miim ji water treatment plants nunga memerüktettsü. Delhi nung alirtem kümzüka alitsü atema tesem aika nung tzü supply ji anentsüla," ta metedakja liasü.

"Kejriwal-i Delhi aser Haryana na nung alirtem aoksadaktsüsa nüngdak makaba o jembiogo. Haryana sorkari Sonipat nung aliba CJM Court nung Disaster Management Act's Sections 2 (D) aser 54 kübok pa anema ken o benoktsü," ta Goel-i metedaktsü.

"Kejriwal-i Delhi aser Haryana na nung alirtem aoksadaktsüsa nüngdak makaba o jembiogo. Haryana sorkari Sonipat nung aliba CJM Court nung Disaster Management Act's Sections 2 (D) aser 54 kübok pa anema ken o benoktsü," ta Goel-i metedaktsü.

Taoba mapang Delhi chief minister Kejriwal aija Goel-i, pai tiyazü o tulu jembiogo, ta ashi.

"Onoki parnok (Delhi) nem agütsüba tzüji ozü kettangsertem ajaki

tendangogo," ta pai ashi.

Yamuna ayong nung miim inoktsü, ta Kejriwal-i jembiba o aija Bodhbarnü Delhi kübok Kartar Nagar nung election nüboym sentong ka nung Ato kilonser Narendra Modi-i, "Taoba mapang Chief Minister kati Haryana nüburtem nem tai tulu tongloksüogo. Nüburtem anemba nisungtem (AAP) tamakok angutsü, ta meteta kodamesü kümogo. Haryana ya Delhi dang nungi balaka asü? Delhi nung parnok chirnurtem aser kinüngertem mali asü? Par kinüngertem atema parnoki miim inoktsütsü asü?" ta asüngdang.

Mongolbarnü Haryana Chief Minister Nayab Singh Saini-i, BJP-i Yamuna ayong nung miim inoktsüta Kejriwal-i jembiba oji AAP-i Delhi election nung voters puatsü aser parnok

tamakok mimbangtsü atema lir, ta aitsü.

Paisa, Haryana sorkari maneni Delhi dangi tzü temerük yoktsü, ta ashi.

Paisa, Haryana sorkari maneni Delhi dangi tzü temerük yoktsü, ta ashi.

Hombarnü AAP-i Haryana nung BJP sorkar aija, Haryana-i metetsümona industry nungi tzü tamajung Yamuna nung yimokdaktsür, ayong nung miim inoktsüba ajanga parnoki nisungtem tepsettsü meranger, ta aija liasü.

Kejriwal-i X ajanga,

## Telangana nung Feb 2 tashi nung caste survey report agütsütsü

New Delhi, January 29 (Agencies): Telangana nung sorkar kettangsertem February 2 anogo tashi nung caste survey report agütsütsü; iba survey ya yaküm agia liasü.

Senden ka amendang kettangsertem Chief Minister A Revanth Reddy dang February 2 tashi nung parnoki iba report agütsütsü, ta metedakja liasü.

State nung iba survey agiba ya linuki tenüngsang agütsü, ta shia Chief Minister-i iba survey takok ngua agiteta



January 28, 2025 aonung 7:53 ako nung Sriharikota nung aliba Satish Dhawan Space Centre (SDSC) nungi ISRO indang Geosynchronous Satellite Launch Vehicle (GSLV-F15) nung navigation satellite NVS-02 bener khaketsüdang tangokba noksa nung angur.

## Uttar Pradesh nung Maha Kumbh benjung nung nisung 30 ajemset

Lucknow, Aenjeti/January 29 (Agencies): Bodhbarnep

züngia Uttar Pradesh nung Prayagraj kübok Sangam area nung Maha Kumbh benjung mapang nlokta nungtepang nisung 30 ajemset aser aika yiruogo.

Iba tesem nungji Hindu nunger tamangertem aika adenshia ayong nung tzü chigoa meshitetsü atema nungtepang mapang nung iba lendong atalok.

Prayagraj DIG, Vaibhav Krishna-i, anepdang züngia 1:00-2:00 ako meta Akhara Marg nung nisung jenti adenshia ajanga lokti nungtepang tip külén aliba atsü lao, ta metedaktsü.

Iba lendong nung nisung 90 yirua ambulance ajanga hospital-i anir ao, ajisüaka tia maka nisung 30 asü. Asürtem 30 nungjagi tasümgang 25 bo maitsü jangjaogo aser tanüngba 5 ji tang tashi mejangja. Iba

lendong nung asürtem rongnung nisung pezü Karnataka nungi, Assam nungi ka aser Gujarat nungia ka densema lir. Nisung 36 local medical college nung treatment agidar," ta paisa metedaktsü.

Tang tensa nung ajemdaker Uttar Pradesh Chief Minister, Yogi Adityanath-i Mahamandaleshwar, Saints aser Akharas ajak dang ayong nung tzü chigoa atema taritep ta tuyuogo, ta DIG Krishna-isa metedaktsü.

Ato kilonser Narendra Modi aser Uttar Pradesh Chief Minister Yogi Adityanath nati iba lendong nung takoksa angur kibongtem den mangyim jashi lemsatepogo.

Chief Minister Yogi-i, "Anepdang züngia 1-2 ako meta Akhara Marg nung tamangertem kari atsü

atema kettangsertem nem tenüngsang agütsü.

Parnoki ashiba agi, iba survey indang draft report bo renemogo aser tatembangbuba report ji renema February 2 nü agütsütsü.

Assembly election mapang nung Congress lenir, Rahul Gandhi-i nangzükba ama yaküm November 6 nü Telangana state sorkari loktiliba-rongsenkettzung, mapa, yimtenren aser caste survey tenzükli liasü.

## Haryana state sorkari Arvind Kejriwal anema ken o benoktsü

New Delhi, November 29 (Agencies): Bodhbarnü

Haryana Revenue & Disaster Management Minister Vipul Goel-i, AAP tongti lenir Arvind Kejriwal-i "Yamuna ayong nung miim inoktsü" ta jembiba atema pa anema ken o benoktsü, ta metedaktsü.

"Kejriwal-i Delhi aser Haryana na nung alirtem aoksadaktsüsa nüngdak makaba o jembiogo. Haryana sorkari Sonipat nung aliba CJM Court nung Disaster Management Act's Sections 2 (D) aser 54 kübok pa anema ken o benoktsü," ta Goel-i metedaktsü.

Taoba mapang Delhi chief minister Kejriwal aija Goel-i, pai tiyazü o tulu jembiogo, ta ashi.

"Onoki parnok (Delhi) nem agütsüba tzüji ozü kettangsertem ajaki



January 29, 2025 nü New Delhi nung Delhi Assembly election atema nüboym sentong ka nung Ato kilonser Narendra Modi aser BJP MP, Manoj Tiwari na den tangartem tangokba noksa nung angur.



# TIR YIMYIM

YIMOBILEM (EDITORIAL)

DIMPUR

YANGTEPNÜ

AENJETI 30, 2025

## Nisung Tamajunger Yanglushidak

**A**khidangbo ozüng raksartem tepuokdaki yokba ya temerenshitsü yoker ta bilem aser bilemba amaji merenshiba osanga angashi. Ajisüaka, tanü putu nungbo nisung tamajung aser ozüng raksartem tepuokdaki yokbaj temerenshitsü yoker masü saka taküm tajungba kuma yanglushitsütsü yoker ta asüba tangatetba mapatem agi alima tejakleni aniba angur. Aji oda, tang Dimapur District jail nung puoka alirtem taküm tajungba kuma yanglushitsütsüba sentong aser mapatem nung amshitsü asoshi senotsü aruba lenmang ka yateta gari totzü enokdak, fuel station, ka lapokba mapaji nisung aika asoshi mebilemba mapa tasen aser tajung ka lir. Talisa, Nagaland ama sensaker state nungbo government mozü kidang amongertem nema yipten süoshi aser chiyongtsüa peria magütsüteter, anungji tepuokdak alirtem nüngdak peritsütsübjibio teimlaa meimlar. Iba lagi tepuokdak alirtem taküm tajungba kuma melenshitsü melen, ashiko, tepuokdakjisa tamajungba akümtsüa akok, kechiyong nisung ya merenshia timtemdaktsüba agi masü saka temeim agi anepaluba ajanga dang taküm melenshia tajungba akümer. Iba tangatetba nung, Nagaland nung alir tia ajung, Nagaland Police nung tang tuluba arükhudong wabong Rupin Sharma-i anir tepuodak alirtem ya tepuodak aliba mapang mapa inyak angazükdakja taküm tasen kuma yanglushitsütsü asoshi sentong tasen balaka tenzükogo aser item rongnungji tang Dimapur nung Indian Oil purtem den külem ser District jail kima gari totzü enokdak lapokba mapa ya lir. Iba gari totzü endokdak inyakertem ya tepuodak liasüba nisungtem lir aser iba mapa nungi aruba senotsü tajangzük ajak tepuokdak alirtem nüngdak asoshi amshitsü. Aji oda, tepuokdak alirtem taküm melenshia gari totzü enokdak inyakba mapa aser taküm kuliji tepelatsü osang tulu ka asütsü. Iba temelensi lagi, tanübo, Nagaland nung tepuokdak tesem ya arogo tenla kidang nungi tajungba kuma, temerenshi angudak masü saka peisasa pei temulung meyipa taküm yanglushidak tesem tajung ka kuma odagi. Aji oda, joko state government dak dang nendaka melii tepuokdak alirtem nüngdakbo peria parnok asoshi lapokba gari totzü ayokdak nung lagi angutsü. Alima nung alirtem ajak ya, shitakbabo, nisung tajung dang saka peisasa pei taküm mazüoktetba ajanga mesüra nisung kari kar jashidaktsüba ajanga, tia majungertem, nisung tajung agi tamajung kuma aoer. Item lagi ozüng raksar aser lokti mesüngjemteti kümdaktsür. Item lagi shinga metsübur saka parnokjibo ajaki tsübur. Item ama nisung tamajungertemji pur tepuokdak bener oa merenshia ayu nung tamajungba dang akümtsü, anungji parnokjibo puoka ayua majung aser chioka lendong ta kümadoker. Aji oda, aiben asenoki tepuokdak alirtem rongnung raratepba aser tepuokdak aliri tepuokdak alir tepsetba osanga angashir. Ibaj nisungi nisung ama züngshia aser akhümtsüba anepalu masüba ajanga lir. Ajisüaka, kodang tepuokdak alirtem rongnung nisung tamajungtibajia dena ajurua temeim agi pa nüngdak aser tebilemtsü indang jembidir, pa mulungjangji anüka akümtsü aser pasasa pa taküm melensi tenzüksü. Iba ama taküm melenshitsü tenzük dang ano pa tepuokdak nungi chioker külena taküm nüngdakbo peria aatettsüsa teka mapa ka mesüra ka inyak sayua angazükdaktsütsü sentong tenzüka aodang memeteti mapang süir aser memeteti taküma tajungba kuma yanglushir alir. Atangji, tepuodak nungi mechiodkangyongi puoka alisang aser alila lagi sen aa tenzüker. Aji oda, tanübo asen lima nunga tepuokdak tesemtem ya nisung merenshidak masü nisung tajung kümdaktsüdak kuma angudang mulung anisüngzüker.

# OLEMSABANG

## Mungdang aser Arogo tesendaktep aser tepila

L. Kika Pongener.

(*Yashi adok nungi...*)

Anungji arogo aser mungdang inyakyim yabo alima yimden bangdak aser tanga lokti-tentet den memedemdangi, tamangba yimsu dak sendakba lokti ka ama taochi, temeim aser aria bilemba nung amendaker anitsü aser alitsü nukjidong asütsüla ta angateter. Kechiyong alima yimden bangdakjibo, lika-liyim tasazük/telongetet ka lir aser iba lika-telongetji yimden lagi mecabanga azüoka ayur, aser ano yimdenji majangi nutsüng-nuburtemji mera-a aotsü lenmang sadem-sadema mali. Aji oda, iba ama bangdak tashi akaba lokti ka den mungdangji balala ta angateter. Yisu-i ashiba o ka bilemteter...."Ya jembiba nenoki angashiogo; tenuk melen tenuk aser tepo melen tepo; Saka ni nenok dang ashir tamajunger den terara, saka shibai ne tenibung tajichi nung madir, pa tsütsü külenjia tendakang. Aser kari ne den okai ora, aser ne supoksu aginura, pa nem sua agidakjang. Aser shibai na mail ka jajadaktsüdir pa den anasü oang" (Mathi-5:38-41). Anungji arogo/mungdang nungpo alima yimden bangdak amai temzüng-ozüng tesashi mebenshitsüla ta angateter. Longjembä ya tapu ana lir....Ka yimjung nung longjembä aser ka temzüng-ozüng tesashi agi azüoka longjembä. Aji oda, koba telok sudir suaka, temzüng-ozüng tesashi agi azüoka longjembä nung kodanga nutsüng-nubur sunepa malitsü.

Ashiko, mapang ka nungpo lim arogo karibo mungdang den amaalitep meli-i pei meden pila-a lidi ta asütsüba mapang ka arutsüa kecha meteta maka. Ano mapang ka nungpo lim arogotem nungi Para Churches, Prayer Center, Ministry etc. razüka aoba amai mungdang nungi telok balala....Laishir mungdang, lai-mashir mungdang, arogo tulutem mungdang, arogo tilatem mungdang, yimtsüng arogotem mungdang aser town arogotem mungdang ta tenüng jateta razüka aotsüa kecha meteta maka. Tanü putu nung Denomination balala aser Association balala telok-tentet aika dang lir, item denji longjema/sendaktepa aotsü lenmang sadem-sadema dang lir. Mungdang nungi lim arogo tuluba/tilaba kecha tepila mali ajunga küsasa temeden lir ta angateter. Anungji züngsem ajaki mungdang ajungtsü asoshi pei tebilemba lemsateptsü akok, aser tashimait kar ajitetra ajongshiteptsü züngsem ajunga temeden sadem-sadema kar ta angateter.

Aji oda, kija aser telok kari mungdang ya pei jurila meyong mungdang amai angateta lira....ajibo melenshitsüla. Mungdang ajungtsü asoshi züngsem ajaki pei tebilemba lemsateptsü akok, aser tashimait kar ajitetra ajongshiteptsü akok.... Anungji züngsem kari pei tebilemba lemsatepba/ajongshitepba nung, kija aser lokti shinga-ia pei temeden langka raksatsür amai manganui malitsüla aser mungdang madakji pei kibur kuma songdemtsü/nemdemtsü memerangtsüla. Mungdang nung ya züngsem ajunga liromedema shilem agitettü/tenzüktettsü küsa temeden lir ta bilemer. Kechiyong mungdang ya Democracy yimden yayim nung anir asünung.... Züngsem ajak küsa shilem agitsü/tenzükttsü temeden lir ta angateter. Tesasatsüka, tanü mungdang karbo "Laishir Mungdang" mesura "Pastor Mungdang" ta ajatsüsa kuma odagi. Akokba tashi arogo aser mungdang nung lennirtemi nubur ola anga-a, kanga shisa kaa anitsü mapang kati menepogo. Akokba tashi arogo aser mungdang nung kechi ken o telemtetba agidir, kanga arok-aroka shisadanga/bilemdanga tarutsü nung tetsükdaktsü majorutsüsa telemtetba ajak agitsüla. Anungji mungdang/arogo nung lennirtemi anir arogopur züngsem ajaki asen adenba arogo/mungdang nung telemsa meli-i aser arr meketdaktsü akümketa wazüka ayutsü merangtsüla.

Iba Olemsabang nung lemsaba ken-o aser shisatsü ya iba ocet züldülema ken-o ama tazüngeri angateta agitsü mepishir

## Pakistan nung court kati Khristan adianu ana maitsüi chiok



January 25, 2025 nü Pakistan nung Khristan adianu- Sahil Shahid aser Raheel Shahid (abelen nungi tanabuba aser tasembuba) na chiokba sülen tena atema ken o jembrisürtem den tangokba noksa nung angur.

**January 29, 2025:** Pakistan nung Tsüngrem mezüngmeshiba ken o ka nung Honibarnü (January 25) court kati Khristan jakrep adianu ana maitsüi chiokogo.

Khristan adianu na atema ken o jembrisür Javed Sahotra-i, tena nem tai tongloksürtemi tena anema kuli magütsüti liasü, ta metedaktsü.

Kasur Additional Sessions Judge, Farzana Shazad-i arrshi küm 18 jakrep Sahil Shahid aser Raheel Shahid na jail nungi tangsa chiokang ta tuyu, ta

Sahotra-i metedaktsü.

Nisung 8-i Khristan adianu ana nem tai tongloksü. Ken o angadangba mapang nung Sahotra-i, Kasur District kubok Qulay Wala yimdak nungi Khristan adianu lagi Quran kaket nung koba lai tekong shisa? ta asüngdang, ajisüaka parnoki telangzüba magütsüti liasü, ta metedaktsü.

"Investigating Officer mesüra tena nem tai tongloksür shingaia ni asüngdangbaji melangzüti liasü. Ibajiajanga parnoki tiyazü nung adianu ana nem tai tongloksü, ta jangjar,"

ta Sahotra-i metedaktsü.

"Kü ken oji agizüka judge-i jakrep adianu naji chioktsü tuyuba den külemi Kasur district police officer dang IO (Investigating Officer) anema bushisüngdangang ta tuyu," ta paisa Sahotra-isa metedaktsü.

January 25 nü Khristan adianu naji jail nungi chiokogo, ta paisa shisem.

Jakrep adianu na lagi Quran kaket shisa, ta tena nem tai tongloksüba sülen yaküm August 27 nü tenaprongla pua liasü.

## Assam nung Chokragaon yimdak Tenla ki ka rongdoktsüogo

**January 29, 2025:** Northeast India nung küm 75 tejaklen amangertem tsüngda tesünep nung aliba temaitsü ka liasü, ta pai ashi.

Iba Arago nung züngsemtemji kibong 160 nungi lir; züngsemtem rongnung Santalis, Bodos, Nepali aser Adivasis densema liasü.

Tezpur nung Bishop atema secretary, Xavier Narzary-i, tesüiba küm aika tsüngda iba Arago nungi sisters aser putir aika adokogo, ta ashi.

Paisa, joko yimdak Khristantemi meta talang nung aliba Tenla kidangi oa Tsüngrem kulemtsüa akümtsü mesüra pei kidang tekülem sentong agütsü, ta ashi.

Iba tatalokba aija Bodoland Territorial Region (BTR) Chief Executive Member, Pramod Boro-i district kettangsertem dang iba tatalokba ya jungjunga bushisüngdangtsüla, ta takhangba agütsüogo.

BTR Executive Members- Ranjit Basumatary aser Dhanjay Basumatary natia iba tesem semdangba sülen Khristantem dang yimzung meraksatsü mepishi.

Police-i First Information Report ka benokogo aser yimsü balala amangertem tsüngda mangatetep adokba nokdangtsü atema police aika yoka lir.

Tawa Assam nung right-wing Hindu teloktemi state nung Khristan missionary tem anema inyakba kanga bulua kümogo. Khristan missionary temi ashikülak benshia mesüra mesüzüka tribal nisungtem

Khristan yimsü dangi ameyipdaktsür, ta Hindu teloktemi aitsür.

Parnokisa Khristan rejutem nung Khristan temaitsütem agentsü takhangba agütsür.

Tawa Assam nung Assam Magical Healing (Prevention of Evil Practices) Act ozüng benokogo; iba ozüng ya Khristantem adenshia sentong agiba aser tanepstsüba sarasadem nokdangtsü nükjidong nung benok, ta bilemer.

Nütsüng million 31 aliba Assam state nung nütsüng shilem 3.74 dang Khristantem lir.

Assam Christian Forum aser United Christian Forum of Udalgori densema Khristan organization aikati tawa takoksa anguba Khristantem den tejashi lemsatepogo.

Bishop Toppo-i, ano külenbo Temeshi Jubilee Küm nung iba tatalokba ajanga Khristantem taliba longjemdaktsür, sarasadem nung longjemdaktsür, tejashi nung longjemdaktsür aser amalitep jenjang tajungba kümdaktsür, ta ashi.

Iba yimdak Khristantemi Tenla ki tanaben asütsü aser Tsüngremer tekümzükba atema sarasadem tenzükogo.

Bishop Toppo-i, "Jubilee Küm nung Tenla ki arongba atema tejashi liaka onok dak teimla lir. Tenla ki aser yimdak Khristantem asentenshir yangertsü," ta metedaktsü.

## ANOGO ABEN TSÜNGREM DEN

### Timtem tashi T.Ken 129:1-8

Tekong 3 nung kija timatemba indang ashiba angur. "Alu alirtemi kü rungong manung ala; parnoki meritsüng talang yanglu". Kija taküm kangshiba noksa aika Laishiba nung angur: Tzüyim yipru ajangba mi tesashi ajangba, tongpang rara ajangba aser khuret abenba. Kechiba ken züli ala alabaji kija timatemba noksa ama amshi?

Mapa kaji, nüburtemi pajji jana amshir ta ken züli biley. Parnoki ashi, "Na alu nung jana ama lir, aser onoki iba alu onsatsü, aser nai kechi biley onoki au ta mali". Asenoki Yisu asoshi lira, nübur Pa amshiba ama asenoka amshitsü ta biley. Parnoki Pa jana-rüja ama amshi.

Iba noksa ochiba teyongtsüji alu alibaji alu rutsü asoshi lir. Kodang nübur na jana ama amshidir, tai bushiba ne rungong nung alenlokdir aser taitsüba agi ne rungong tusadir, ya biley tetang; alu rutsü asoshi Tsüngremi na renemtsüdag. Kechi koma aluruba? Ibajia nai aremba metsü dak aket. Nai mang ayangba, tesempatep, tenük merem, mokok aji metsü remra alu rubaji taku asütsü. Saka nai Tsüngrem o metsü remra, temeim aser yimzung aser taremkük agi ne mulungjang nung yimsü südaktsüra, na ken züli den Kibubaji Temeshi lir ta shiettsü- Pai iba tebilemtsü bentettsü. Idangji tekong 8 nung ashiba ama, alurubaji temoatsü ka alitsü: "Kibuba temoatsü nenok madak liang; Kibuba tenüng nung onoki nenok moatsü".

Ne taküm nung nai alu ruba ka kanera nai ali tusatsüla, atemtsüla aser tzü aintsüla. Koang nübur na jana ama amshidir, kodang alu alaba ama ne taküm tetendangbaji alu alaba ama ne taküm ajanga odir, alu rutsü asoshi renemang. Tanü Tsüngremi na asoshi temoatsü alu ruba ka yutsü, anungji metsü shidak yoktsü biley tetang.

## Florida nung Arago kati ki malirtem aser sensakertem maneni yarir

**January 29, 2025:** Florida peritsü. Yipru mapang nung aliba Arago kati ki tzü aser electric light malidang onoki aika yariogo," ta lai ashi.

Tenla kidang jenokertem teimbaka ket nung parnok yipten süoshi liasü, ajisüaka Aragoia parnok nem yipten süoshi aser chiyungtsü agütsü, ta lai ashi.

"Onok ya storefront ka nung lir, anungji tip külen Tenla ki aser tip külen chiyungba takdang aser fellowship hall lir," ta lai ashi.

Reber-i, anogo shia timtemertem angati chiyungdaktsütsü atema ghonda ka langbang lapoktsür, aser temelungertem mapang shia sorochoktsür, ta ashi.

"Ki malu Tenla kidang jenokertem apuani nati melungsoa yarid. Ano anepdang kari melungsoa chiyungtsürenemtsü," ta lai ashi.

Sensakertem aser timtemertem yaribaji Arago senpong nungi teimba indoker, ajisüaka tangalen nungia iba ministry atema tenla arur, ta lai ashi.

"Yisu Khristai Pa sülen anidakertem dang tenyaba ama Aragoi inyakbaji Khristan ajak nem ajizükdaktsüner," ta laisa metedaktsü.

**AO OSHI ANGAZÜKDAK:****TANÜ ANGAZÜKTSÜBA OJANG**


Tir Yimyim

**Techi**

- (n) tetsür oset, tzü aolen (vagina)  
 \* Tetsürtemi techi nembanga telongsü agir.

**Techiket**

- (adj) temang tali yiraa kümdaktsüba (obesity, fattened)  
 \* Techiket nisungtem sadema mejajatet kangshir.

**OLONG PAITEP # 7050****TIPLEN :**

2. Teka mapa tajung - (8)  
 4. Anakshinüba - (5)  
 5. Süoshi agi tazu - (4)  
 9. Aria bilemtep - (7)  
 11. Ajemalu ozü - (4)  
 12. Tzü an - (5)  
 13. Teben teloktep - (8)

**LANGTSÜNGLEN :**

1. Anepalua inyak - (7)  
 2. Teptsü - (4)  
 3. Nok agi raratep - (6)  
 6. Kibong aküm - (4)  
 7. Nüji masü - (4)  
 8. Taruba küm - (7)  
 9. Teka shidok - (6)  
 10. Meputep/Mapet - (4)

**OLONG PAITEP # 7049 TELANGZÜBA****TIPLEN :**

2. Pongsen, 5. Lepko, 7. Omen,  
 8. Maongka, 10. Yangkhu,  
 12. Senpong, 14. Angu, 15. Raksa,  
 16. Arameso,

**LANGTSÜNGLEN :**

1. Alimang, 2. Pongan, 3. Samaru,  
 4. Nün, 6. Pio, 9. Nüngdak,  
 10. Yonga, 11. Kongro, 13. Ora, 14. Ata.

**NAI-A YA METETTER MA**

Ben Melham-i London nung ghonda 12 majungdang museums 40 tema semdangba indang Guinness World Record ka yangluogo.

British nunger Ben Melham (42) yaküm October ita anepdang 9:03 ako nung East London nung aliba Museum of the Royal Pharmaceutical Society semdanga iba otsü yanglutsü tenzük aser aonung 7:58 ako nung Central London nung aliba Royal Academy of Arts semdanga tembang. Iba atema pai "most museums visited in 24 hours" otsü yanglutetogo ta Guinness World Records-i metedaktsü.

**IPS Harmeet Singh-i Assam nung DGP interim charge inyaker**

"Iba temelensihi nung nia shilem ka liasü aser Assam Police-i maneni Chief Minister mangdang sülen anidaktsü" ta paisa ashi.

Linük nung tematiba police force pungu rongnung Assam Police densemtsü atema tejangraba lir aser nübortem den tesentaktep aliba police force ka akümtsü nangzüker ta Harmeet Singh-isa ashi.

"Onoki nübortem tenzüksü, state nem security agütsütsü aser ajak ajungtsü atema inyaktsü" ta paisa metedaktsü.

Harmeet Singh ya Assam-Meghalaya cadre nungi 1992-batch IPS officer ka lir. Pai Gyanendra Pratap Singh melenzüker. Taoba Assam DGP GP Singh ya Central Reserve Police Force nung Director General inyaktsü shimogo.

Harmeet Singh-i tang Civil Defence nung Director General aser Home Guards, Assam nung Commandant General inyaker aser iba dak alia Special Director General of Police (Border), Assam bena lir.

**Guwahati, January 29, 2025** ana tsüngda Assam Police (Agencies): IPS Harmeet Singh-i Bobarnü Assam nung Director General of Police (DGP) interim charge inyaker.

"Chief Minister-i Assam nung lendong malitsü aser citizen-centric police force ka akümtsü atema mangdang tulu lir. Tesüiba küm ana tsüngda Assam police nung temelensihi aika liogo" ta IPS Harmeet-i mangdang ajanga tesüiba küm ashi.

IPS Harmeet-i osangbener den jembidang Assam Chief Minister Himanta Biswa Sarma "Ajemset tem rongnung densema liasü.

Mauni Amavasya aonung shishilembar Niti Ranjan Pal ajemset. Iba atema Assam sorkari par kibong nem Rs 5 lakh teyari agütsütsü metedaktsü.

Pal ya Hailakandi nung nüngtugu dokan "Om Sweets" kibur liasü aser Maha Kumbh nung nisungtem ajemsetdak dena liasü.

Iba lendong nung Pal kanga mejungi yirua liasü aser

Prayagraj nung mozü ki ka nung intensive care nung anepaluaka pa asü.

Mongulbarnep 2:00 ako

**ASSAM SORKARI Maha Kumbh nung ajemsetba kibong nem teyari agütsür**

**Guwahati, January 29, 2025** metedaktsü.

**(Agencies):** Assam kübok Hailakandi district nungi shishilembar ka Mongulbarnü Maha Kumbh Mela nung ajemset tem rongnung densema liasü.

Mauni Amavasya aonung shishilembar Niti Ranjan Pal ajemset. Iba atema Assam sorkari par kibong nem Rs 5 lakh teyari agütsütsü

meta Sangam nung temeshi aini aoertem million aika adenshir ayong nung tzü tsükodang lendong ataloka liasü.

Assam sorkari Pal'er kibong den mangyimba lemsatepogo aser maneni parnok yaritsü nangzük.

Osang angazükba agi Pal tasümgang atema ketcangsürtem death certificate agütsütsü memulungba agiano merongdok lir.

**ZORO-i FMR aser arrtsü atsüdangba indang order rongdok**

**Aizawl, January 29, 2025** lemtetba atema ZORO mepalar aser jashir. State sorkaria Centre pusema FMR agienba indang tetuyuba agütsüba aitsür" ta ZORO Vice President Rohmingthanga Kawlini-i ashi.

State sorkari Indo-Myanmar arrtsü nung Free Movement Regime (FMR) agienba aser border pass system ka tenzükba den Indo-Myanmar Border (IMB) atsüdangba indang order parnoki rongdok.

Aizawl aser tanga district yimtibatem- Champhai, Lunglei, Kolasib, Serchhip; Mimbang o Vaphai jilatem nung ZORO-i lungkakaitba sentongtem agia liasü.

"Centre sorkari arrtsü adena orr aliba ozü adianutem den tongteprateptsü noktangtsü

inyaka ora kechi timtem ajurudir ajuruaka sorkari tebilemtsü khuret abentsü. ZORO-i FMR agienba aser arrtsü atsüdangba anema maneni noktaktsü. Nübortemi ZORO-i inyakba mapa pusema nungittsu ayongzüker" ta paisa ashi.

Tanü Mizoram Pradesh Congress Committee General Secretary Joseph Lalhimpui, Ex-Minister TJ. Lalmuntluanga (Mizo National Front) aser Zoram People's Movement nungi PAC member Ngursailova Sailo nungeria o tatsütsü jembi.

ZORO-i Mizo Zirlai Pawl (MZF) den külemi Centre sorkar den iba onük lemsateptsü renema lir.

**ALI PATTA SAMAR BUSHIR**

Ni, TIABENLA holder of Patta no. 0050 under Senden Mepu, Aoyimkum have lost my patta.

Sd/-  
(TIABENLA)  
MOBILE No. 7640061636

**ALI TAYOKTSÜ LIR**

1. Old Showuba nung, 12397 Sq.ft. Four lane, fly over anasa.
  2. Rs. 50 per Sqft. Aginüba tasazük angutsü.
  3. (5 Pura) 1 Pura - 3,200,000/-
- Contact : 9863826159.

**Ukraine-i nuclear power plant ka amak: Russia**

Moscow, Aenjeti/January 29 (Agencies): Ukraine-i drone aika amshia amakba mapang nuclear power plant ka dena makogo, ta Russia nunger ketcangsürtemi metedaktsü.

Moscow-i Bodhbarnü ashiba agi, manger mesangwa tsüngda Ukraine nunger drone 100 shi-i linük indang energy infrastructure tem makogo. Linük ana maneni kati ka maktepbä den tir anapronglai iba anema jembitepbä mapang ka nung yimzung atema sensaksemtsü asoshi timla balakabo mesayur.

Russian Ministry of Defence-i Telegram ajanga ashiba agi, Russia anüolen tesem balala amakba mapang drone 104 amshi, aser item drone tem ya timba kati power aser oil facility tem maka liasü. Local ketcangsürtemi ashiba agi, Smolensk anüolen nuclear power plant ka amaktsü merangba drone ka air defence systems-i nokdangogo.

"Osang ajanga ashiba agi, nuclear power facility ka amaktsü meranga aliba drone ka khazüka yokogo," ta Governor Vasily Anokhin-i Telegram messaging app ajanga metedaktsü. "Nisung asüba mesüra teraksatsüba adokba

kecha maliastü," ta paisa shisem. Smolensk Nuclear Power Plant ya Russia northwest nung power adokdaktsüba plant tulutiba lir, aser iba plant ya Bodhbar anepdanga akhi ama dang inyaksangshia liasü, ta RIA state news agency-i metedaktsü.

Kasa mapang nung Petrochemicals giant Sibur-i, Nizhny Novgorod tesem nung parnok indang oil refinery ka nung mi adokba metedaktsüogo. Iba tesem ya Ukraine arrtsü nungi km 800 shi pilar lir.

Russia indang air defence-i tesem teku nung drone tem khadangogo, kong Smolensk nung drone 11 khadangba densema lir. Drone tem ya tesadang dak tali Kursk tesem nung khadangogo, kong Ukraine nunger sepaitemi ita aika yimtüng ishika atsünger lir.

Ukraine indang military-i Bodhbarnü ashiba agi, Russia-i manger mesangwa tsüngda drone aika yoka tesem balala makogo.

Odesa tesem nung rongnendak ka amak aser drone teraksa ka linük yimtiba Kyiv indang metro station ka ana tsük, ta Mayor Vitali Klitschko-i ashi.

**Military sorkari yimsü asüba linük asemi ECOWAS toktsüogo**

Abuja, Aenjeti/January 29 (Agencies): Niger, Mali aser Burkina Faso nung military sorkari, Economic Community of West African States (ECOWAS) nungi atsünginogo.

Linük asem iba telok nungi formally atsünginba osang ya Nigeria nung amendaker aliba iba regional bloc yagi Bodhbarnü metedakja liasü. Sorkar coup asüba, Muslim nunger kiralongrartem den rarerapeba aser iba tesem azüoktsü atema Russia o anüolen aliba linüktem toktepba mapang ECOWAS ya iba linük asem asoshi target ka kümogo.

Küm ka tepeyong inyaktepa aruba sülen linük asem ya tanü atsünginogo, ta ECOWAS-i ashi. Niger nung military-i sorkar atsüngba sülen democracy maneni benoktsü atema ECOWAS-i takhangba agütsüba sülen linük asem yagi 2024 küm January ita iba telok nung madentsü tebilembera aliba sangdonga liasü.

ECOWAS-i sangdong ka ajanga ashiba agi, parnoki takok tashi iba inyakyim ya paitoktsü merangogo aser ECOWAS' kishi maneni lapoka toktsütsü.

Tanungba linüktem dang iba linük asem nungi lisopurtem nem maneni membership atema maongka agütsütsü aser nüburtem aser osettsüt sadem sadema senzüdaktsütsü asoshi ayongzükogo.

Linük 15 agi kümterba bloc ya 1975 küm tentet aser iba tesem nung yimden yimsüsüba tsütsü ajak dang tashi taitba lokti tentet ka kümogo aser parnoki yimden yimsüsüba, rongsenketzung aser security dak sendakba nung ken o tem benteta arudar.

Ajisüaka military-i sorkar atsüngba den telungpur teloktem den rarerapeba aser Russia aser taoba mapang parnok yimsüsür France tsüngda tashi toktepba ajanga bloc ya tetsüngda nung mejoper.

ECOWAS' nungi atsüngintsü jenjang agiba pusema Niger aser Burkina Faso nung nüburtem aikati Mongolbarnü rally balala nung shilem agiogo.

Taoba küm September ita linük asem yagi Alliance of Sahel States ta nüngja agütsür security partnership ka tentetogo.



# LITTLE FRIENDS MONTESSORI

&  
KINDERGARTEN TEACHERS TRAINING INSTITUTE

OPPOSITE TO WOODLAND NURSING HOME  
Tzusapang, Mokokchung-798601

**ADMISSION OPEN FOR THE SESSION 2025**

**Preparatory Age/ Play Group: 2-4 years**

**(Limited Seats)**



Dial for Information: 9612414989 / 7085275798

**Doomsday Clock ayatirm atongtsü 89 seconds dang lir**

Chicago, Aenjeti/January 29 (Agencies): Doomsday Clock

ano maneni melenshiogo. Iba anületsü yagi alima nung nisung

meimchr samatsü asoshi anasai aoba sayur. Second ka tali bendenlokogo, anungji ayatirm atongtsü 89 seconds dang akumer, aser ibaji anasatiba alitsü, aser taküm iba temelensi ya talisa nuclear tebilemetsü, biological science aser artificial intelligence (AI) mashi lenmang nung amshitsüba aser alima tzü mopung melenshiya ajanga lir.

Doomsday Clock ya 'metaphorical clock' ka lir, koba 1947 küm Bulletin of the Atomic Scientists (BAS) ajanga alima nung nisung meimchr samatsü asoshi yangluba lir aser iba ya ajanga nuclear amshia rara adoktsüba, tzü mopung melenshiya mesüra danga tebilemetsü tulutem indang sayur.

Iba Bulletin indang Science and Security Board ajanga iba anületsü indang minute hand ya alima nung tebilemetsü balala nung ajemdaker mapang shia melenshitsür. Ibai tejangja takzüba ka masü saka meimchr

samatsü aliba tayongzükba tem nung tekeratiba nung temulung agütsüdaktsütsü asoshi amshir. Ajisüaka Cold War tembangba nok-nü azüoktsü tezüngzüktep yangluba sülen ayatirm atongtsü minute 17 nung yutsü, aser ibaji Doomsday Clock yanglur ayatirm nungi talangtiba pilaba alitsü.

Ajisüaka nuclear tebilemetsü aser tzü-mopung melenshiya tebilemetsü mech 2018 küm ayatirm atongtsü minute ana nung yutsü. Iba sülen 2023 küm nuclear tebilemetsü, tzü-mopung dak sendakba ken o aser danga aor. Ayatirm tetetzü civilization

alima lendong balala mechi ayatirm atongtsü seconds 90 nung yutsü.

Tenüng atema dang süaka iba anületsü yagu alima samatsü anasai aoba sayur. Iba anületsü nung mapang melenshiya ya alima nung lenirtem dang tekumdagtsü agütsürba lir, ta BAS nung scientist Daniel Holziashi.

Mezung 1947 küm ayatirm atongtsü minute tenet nung liasü aser taoba küm ayatirm atongtsü seconds 90 nung liasü aser tang second ka agi anasaba kumogo.

"Alima tesama tia kati aitsü kumbang nung lir, aser iba anületsü nung second ka dang ajembajia tebilemetsü tulu lir. Second ajemba shia alima raksatsü jenjang tamajungba akumba sayur," ta BAS ajanga ashi.

Tang Ukraine nung rara küm asembubai ayaoka aier, aser aibelen telemtetba ka agiba, atalokba mesüra meshidak takzüba ajanga nuclear rara tenzüksü akok. Ano Middle East nung mashi mapang rara tuluba akumtsü jenjang nung lir.

Mongin temi ano tang alima tzü-mopung melenba azüoktsü asoshi mera agiba yagi meperir ta ashir. Alima talemba akumba nokdangtsü asoshi sorkar aikati mapa peria meinyaker ta ashir.

Ano tashidak balala poktetba aser tamalen nungi aliba ajanga alima rongsenketzung, nübur aser security maneni amokmerener, ta BAS ajanga ashi.

BAS-i ano Artificial Intelligence ya lendong tasen ka lir ta ashir, aser AI ama technology meshidak amshiba ajanga alima nung lendong tesashiba akumer ta ashi. Ukraine aser Middle East nung AI ya mitkar inyakyim atema amshia arur aser linük aikati pei armed forces nung AI amshir.

Osang tiazü prokshiba, conspiracy theories aser taila osang mesüra meshidak prokshiba nunga lendong tulu lir ta scientists temi ashir.

## Jerry Holness India tetsür 400m relay team coach kümogo



Aenjeti/January 29, 2025 **Championships medalist tem (Agencies):** Jamaica nunger nüngtugu athletics coach Jerry Lee Holness, shibai Olympics aser World Championships gold medallist sprinters Elaine Thompson aser Nesta Carter nunger amala asayartem anitetogo, pa India tetsür 400m team coach kümogo.

Holness ya tajangshiba aika bener aliba aser ajaki kanga aginüba coach ka lir aser pa Hombarnü Lakshmbai National College of Physical Education, Thiruvananthapuram, Kerala nung National Centre of Excellence (NCoE) nung denogo.

"Holness NCoE Thiruvananthapuram nung denogo. Pa tajangshiba aika bener aliba World Athletics Level 5 coach ka lir. Pai Olympic aser World

Championships medalist tem (Agencies): Jamaica nunger nüngtugu athletics coach Jerry Lee Holness, shibai Olympics aser World Championships gold medallist sprinters Elaine Thompson aser Nesta Carter nunger amala asayartem anitetogo, pa India tetsür 400m team coach kümogo.

"Pai Indian women's 400m aser 400m hurdles team achaayangtsü, shirnok tang Thiruvananthapuram nung amendaker lir," ta pai shisem.

Holness indang tenure ya 2026 küm tashi asütsü aser pa inyakyim asadanger atsülangtsütsü akok.

Pai, LNCPE Thiruvananthapuram nung Hima Das, Subha Venkatesan Rupal, Kiran Pahal aser Vithya Ramraj nunger amala asayartem nem tangazükba agütsütsü.

Arishi küm 65 tain Jamaica nunger coach yagi Stashuk Valerii melenogo, shiba Paris Olympics tashi India tetsür

400m aser 400m hurdles coach liasü.

"Taküm Asian Championships, World Relays aser World Championships amala asayamung tongtibangtem asayatsü lir anungji Holness adenba ajanga teyari tulu agütsütsü," ta pai shisem.

Javelin coach asütsü atema Russia nunger Sergey Makarov Aleksandrovich shimbä sülen tang Holness shimogo.

Holness ya Paris Olympics asayaba mapang par linük coaching staff nung densema liasü. Mandeville, Jamaica nung nüngtugu Manchester High School indang field head coach ka ama Holness-i nüngtugu asayar Elaine Thompson, Nesta Carter, Sherone Simpson aser Natoya Goule nunger dang len sayuogo.

Thomson yagi 2016 aser 2020 Olympics nung 100m aser 200m nung gold medal angu aser 2022 World Championships nung 100m nung bronze medal ngua liasü.

Kasa mapang nung Carter-i 2012 Olympics nung tebur 4x100m relay race gold medal nguogo, kong nüngtugu asayar Usian Bolt densema liasü. Paisa, 2011, 2013 aser 2015 World Championships nung 4x100m relay nung gold medal nguogo.

Holness ya taoba mapang United Arab Emirates aser Cayman Islands indang coach liasü.

## FIH Pro League atema HI-i India tetsür team sangdongogo

Aenjeti/January 29, 2025 **(Agencies):** Hockey India-i Bodhbarnü sangdong ka ajanga, taruba FIH Pro League 2024-25, Bhubaneswar leg asoshi India tetsür hockey team nung asayar 24 tenüng sangdongogo.

Iba asayamung ya Kalinga Hockey Stadium nung February 15 nungi 25 tashi asayatsü. FIH temzung özüng kübok FIH Pro League stage ka nung team ka asaya 4 dak tema asayatsü lira mezungbuba asaya pezü sülen asayar melenshitetsü ta shia lir. Ajisüaka asayartem ya jelia agizüker aliba substitution list ka nungi asütsüla.

Asayamung nung India team England, Netherlands, Spain, aser Germany den anabenben asayatsü. India team February 15 nü England den asaya-a iba asayamung tenzüktü. Team nung goalkeeper Savita aser Bichu Devi Kharibam na asütsü aser defender tem rongnung Sushila Chanu Pukhrambam, Nikki Pradhan, Udit, Jyoti, Ishika Chaudhary, aser Jyoti Chhatri nunger densema li.

Midfield nung asayatsü atema Vaishnavi Vitthal Phalke, Neha, Manisha Chauhan, Salima Tete, Sunelita Toppo, Lalremsiami, Baljeet Kaur, aser Sharmila Devi nunger shimogo aser Forward temji Navneet Kaur, Mumtaz Khan, Preeti Dubey, Rutaja Dadaso Pisal, Beauty Dungdung, Sangita Kumari, Deepika, aser Vandana Katariya nunger asütsü. Iba asayamung ya midfielde Salima Tete

**ICCT20 rankings: Tilak Varma No. 2 asayar kümogo**

Aenjeti/January 29, 2025 **(Agencies):** Tawa sayaba ICC T20 rankings nung Tilak Varma rongnung temaba jenjang tongteta liasü.

Varma-i tang point 832 ngua lir, koba India nunger batter temi point timtiba anguba ronung pezübuba lir. Suryakumar Yadav, Virat Kohli, aser KL Rahul nungeri dang pa dang nungi point timtiba nguteta lir.

Kasa mapang nung Varun Chakravarthy, shibai England den tasembuba T20 asayaba mapang wicket pongu agia liasü pa-a jenjang 25 tejakdangi tua tang bowler tem rongnung pongububa nung lir.

Batter rankings nung Australia nunger asayar Travis Head, Varma dang nungi point 23 agi timba lir. England den tang asaya aliba asayamung nung Varma-i run 19\*, 72\* aser 18 yanglur lir.

Tatembangbuba asaya ana nung Varma-i junga asayara pai Head ajatetsü, shiba tang Test tasayadak lir.

Varma-i, Head ajatetra pa ya asayartem rongnung temaba jenjangi atuba asayar tanobusang akümtsü. Tang Pakistan nunger asayar Babar Azam-i iba record ya bona lir, shibai arishi küm 23 ser anogo 105 nung T20I batter tem

India nung asaya asem nung kanga junga asayaba sülen pa jenjang ka tejakdangi tua maneni temaba jenjang nung lir. Arishi küm 36 tain asayar yagi India den asaya asem nung wicket asem agir lir.

## BILEMDANGANG

"Anogo shia-i maongka tasen bener arutsür."

## Bayern Munich-i Goalkeeper Jonas Urbig alizükogo



Aenjeti/January 29, 2025 **pelar,"** ta Bayern sport director (Agencies): Bayern Munich-i Christof Freund-i ashi. Parnoki taoba hopta Germany nunger lanur asayar Tom Bischof alizükogo.

Arishi küm 21 tain Urbig ya Germany nunger lanur goalkeeper tajungtiba rongnung ka lir aser pa Bayern-i aoba ajanga Manuel Neuer melentsü asoshi club-i pa dak tamang akaba sayur. Neuer ya tang tashi No.1 keeper lir saka pa arishi küm 38 jungogo aser asaya nungi anentsü mapang tatonger.

"Tarutsü dak rangloker ano asayar ka den tenangzüktepba yanglutetba atema onok kanga

Freund-i ashiba agi, Urbig ya nükjidong tulu aliba aser senpet tajung aketba asayar ka lir aser, pa asayaba yimya ya Bayern indang asayaba yimya den mesüktepba lir.

Kicker magazine sangdong ka ajanga ashiba agi, Bayern-i bonus densema Cologne den Urbig atema euro million 10 dak tema agütsüogo. Pa arishi küm 36 tain Sven Ulreich aser Israel goalkeeper Daniel Peretz na den Neuer sülen No. 2 jenjang

asoshi tokteptsü.

Neuer shiba March ita arishi küm 39 ajungtsü, pa German Cup nung Bayer Leverkusen makokba asaya nung mezungbuba red card achiba sülen pa tang asaya aliba season nung asadanga arudar.

Stuttgart nung loan nung oa aliba arishi küm 28 tain Alexander Nübel-a Neuer melentsü purtem rongnung ka ama züngshir. Urbig alizükba tetezü Stuttgart coach Sebastian Hoeness-i ano taruba season-a Nübel dak metaloktettsü. Nübel-i taoba küm Bayern den 2029 küm tashi atema tenangzüktepba yangluogo.

Urbig, shiba June ita Under-21 European Championship nung Germany goalkeeper atema Freiburg nungi Noah Atubolu den tokteptsü ali, pa tang asaya aliba season ya Cologne nung second division nungi asaya tenzük saka asaya 10 sülen Marvin Schwäbe-i pa melena liasü.

Bayern-i, Urbig den 2029 küm June ita tashi atema tenangzüktepba ka yangluogo.